

80 dag júnímánaðar 1936 og er nafn sjóðsins og önnur aðalatriði skipulagsskrár þess-  
23. maí arar þar ákveðið.

Höfuðstóll sjóðsins er að upphæð kr. 13450.00 — þrettán þúsund fjögur hundruð og fimmtíu krónur —.

2. gr.

Tilgangur sjóðsins er að styrkja samgöngumál og aðrar nauðsynlegar framkvæmdir í Skagafjarðarsýslu. Gefur sýslunefndin sett með reglugerð nánari ákvæði um úthlutun úr sjóðnum.

3. gr.

Höfuðstól sjóðsins má aldrei skerða, heldur skal hann aukinn með gjöfum, sem honum kann að áskotnast, og ávaxtaður í aðaldeild Söfnunarsjóðs Íslands.

4. gr.

Þar til höfuðstóll sjóðsins hefur náð hálfri milljón gullkróna skal leggja helming ársvaxtanna við höfuðstólinn, en upp frá því einn fjórða hluta þeirra. Hinum hluta vaxtanna skal að jafnaði varið til að fullnægja tilgangi sjóðsins.

5. gr.

Sýslunefnd Skagafjarðarsýslu hefur á hendi yfirstjórn sjóðsins. Kýs hún þriggja manna nefnd úr sínum hópi fyrir hvert kjörtímabil sýslunefndarinnar til þess að sjá um reikningshald sjóðsins og gera tillögur um árlegar fjárveitingar úr honum. Skal sjóðstjórnin halda gerðabók, þar sem færðar eru allar umsóknir um styrk úr sjóðnum, hverjir verða styrks aðnjótandi og annað, er máli skiptir um stjórn sjóðsins. Færa skal í gerðabókina reikninga sjóðsins.

6. gr.

Úthlutun er sjóðnum er því aðeins gild að fjórir fimmtu hlutar atkvæða allrar sýslunefndarinnar séu henni fylgjandi, annars falla allir vextirnir til höfuðstólsins. Engin úthlutun má gerast fyrir lengri tíma en eitt ár í senn.

7. gr.

Árlegur reikningur fyrir sjóðinn skal jafnan lagður fyrir aðalfund sýslunefndarinnar til endurskoðunar og úrskurðar.

8. gr.

Leita skal staðfestingar á skipulagsskrá þessari, og hún birt í B-deild Stjórnartíðindanna.

81 Staðfesting ríkisstjóra á skipulagsskrá fyrir „Minningarsjóð Ingibjargar Björns-  
24. maí dóttur, húsfreyju á Torfalæk“, útgefin á venjulegan hátt að mandatum af dómsmálaráðherra 24. maí 1944.

Skipulagsskráin er þannig:

## SKIPULAGSSKRÁ

fyrir Minningarsjóð Ingibjargar Björnsdóttur, húsfreyju á Torfalæk.

1. gr.

Sjóður þessi er myndaður af Sambandi Austur-Húnvetnskra kvenna (S. A. H. K.) til minningar um húsfreyju Ingibjörgu Björnsdóttur á Torfalæk, er andaðist 10. sept 1940. Stofnfé sjóðsins er kr. 1512.87. Sjóðinn má auka með gjöfum og áheitum.

## 2. gr.

81

24. maí

Markmið sjóðsins er að styrkja fátækar ekkjur og einstæðings mæður á félagssvæði S. A. H. K. vestan Blöndu, með árlegum fjárframlögum úr sjóðnum, og skulu konur úr Torfalækjarhreppi ganga fyrir að öðru jöfnu. Má styrkur til hverrar ekkju ekki nema minnu en kr. 50.00 — fimmtíu krónum — í hvert sinn, og skal honum úthlutað í desembermánuði ár hvert. Sjái stjórn sjóðsins ekki ástæðu til þess að veita fé því, sem til úthlutunar kemur, til ekkna, má hún bæta því við höfuðstólinn, ef um eitt einstakt ár er að ræða, en verja því að öðrum kosti til þess að styrkja námskeið fyrir konur, eða til annarra framfaramála kvenna á félagssvæði S. A. H. K.

## 3. gr.

Sjóðinn skal aðallega ávaxta með ríkistryggðum verðbréfum, en reiðufé hans skal ávaxta í Sparisjóði Austur-Húnavatnssýslu.

## 4. gr.

Byrjað skal að veita styrk úr sjóðnum þegar ársvextir hans eru orðnir kr. 100.44 — eitt hundrað krónur —. Skal þá jafnan veita úr honum hálfra ársvexti, unz ársvextir eru komnir upp í kr. 500.00. Úr því skal veita  $\frac{1}{10}$  ársvaxta, en  $\frac{1}{10}$  skal leggja við höfuðstólinn.

## 5. gr.

Stjórn sjóðsins skipa 3 menn, karlar eða konur: 1. sýslumaður Húnavatnssýslu, 2. kosinn af S. A. H. K. og 3. ekill Ingibjargar Björnsdóttur, eða einhver afkomandi hennar yfir 18 ára, búsettur á félagssvæðinu. Leggist S. A. H. K. niður, og engin hliðstæð stofnun komi í staðinn, eða sé ekill Ingibjargar ekki á félagssvæðinu, né neinn afkomandi hennar eldri en 18 ára, þá kjósi sýslunefnd Austur-Húnavatnssýslu mann eða menn í þeirra stað.

Stjórnin skal starfa kauplaust, en útlagðan kostnað skal greiða af fé því, sem til úthlutunar kemur.

## 6. gr.

Stjórn sjóðsins skal færa bók yfir eignir hans, tekjur og gjöld, og færa í hana ársreikning sjóðsins. Stjórninni ber enn fremur að halda gerðabók og færa inn í hana skipulagsskrána, umsóknir um styrk, styrkveitingar og ástæður fyrir þeim, fundarsamþykktir og annað, sem varðar hag og rekstur sjóðsins.

## 7. gr.

Stjórnin skal árlega semja reikning yfir sjóðinn. Skal hann endurskoðaður og úrskurðaður af sýslunefnd Austur-Húnavatnssýslu og birtur á sama hátt og aðrir reikningar sýslusjóðs Austur-Húnavatnssýslu. Skal þetta gert þegar skipulagsskrá sjóðsins hefur fengið staðfestingu.

Þannig samþykkt á fundi Sambands Austur-Húnavetskra kvenna, Blönduósi, 5. júní 1942.

Puríður Sæmundsen.

Steinunn Jósefsdóttir.

Guðrún Jónsdóttir.